

江山萬里樓詞鈔目錄

海山詞卷二十六十六闕

相見歡

如夢令 戊申季冬冒風雪浮家南渡星洲氣候

和温花木如春夏家居山中遠疑世外雜興二

闕記家室之樂

好事近 海島樓居曉妝詞和內

南柯子 重陽 時客星洲遊商人余卓凡山園

青玉案 寄意

祝英臺近

蝶戀花 春別

浣溪紗 望月追憶

八聲甘州 己酉正月二十九夢得句閉殺流

鶯外兩樹風樓是日爲亡婦道清忌日日如

流忽忽十年矣倚甘州一闕

賀新郎 題馮熙東隣巧笑圖時同客南渾

金縷曲 二月十八醉夢得句樓外江山風月裏

小欄干消盡英雄淚有觸斯感爲倚金縷曲

好事近 梅花

好事近 黃鶯

高陽臺 見燕時客南渾

聲聲慢 星洲白薔薇感賦

長亭怨慢 秋柳

南浦 梅花

清平樂 海島酒樓題壁

六醜 己酉春感

憶江南 己酉秋夜起坐萬綠軒

憶江南 月夜歸東陵山居

水調歌頭 庚戌之春回國兩月默察天下將

有事乃於六月攜圖書載妻子再遊海外居南

渙之星洲

南鄉子 五代李珣有南鄉子數闕紀炎方風景

其詞甚美余居南渙久樂之爲填二十四闕以

繼其聲

浣溪紗 庚戌重遊星洲

浣溪紗 上元寄家書

相見歡 月夜登東樓舊居時霞客返國獨客南

源

好事近 江行舟中寄婦霞客

金縷曲 送孟龍從弟北行

賀新郎 題內子霞客晴雪樓臺小照是照為乙

未春間事行十年矣辛亥長夏題於南溪之萬

木山房

暗香

浣溪紗

長相思

長相思 元宵風為星洲旅壁

水調歌頭 辛亥中秋夕遊海上望月他島山

樓有吹笛者清光滿秋哀音動空際愀然生故

國之思後十日東裝歸國

滿江紅 壬子二月初覺和暖韶華已過半矣綠

肥紅瘦春光奈何

好事近 漁父

好事近 樵夫

破陣子 辛亥回國避亂淞北人事變遷除夕憶

星洲風景頗念異鄉之樂

浣溪紗 星洲春日借霞客海上看潮夜至歐羅

巴酒樓飲酒望月

江山萬里樓詞鈔

海山詞卷三

東吳楊 圻號雲史
守野王

相見歡

井梧瑟瑟微寒入簾間。如此江城秋色不堪看。思舊夢。有誰共。倚雕欄。惟有五更殘。月照江山。

如夢令

戊申季冬冒風雪浮家南渡星洲氣候溫和花木如春夏家居山中遂疑世外雜興二闋記家室清暇之樂

簾外一階花靜。簾裏一爐香燼。午睡覺來時。烈日烘烘深徑。

此詞直是後主復生警句

蘇醒。蘇醒。玉腕雙抬。撩鬢。

一片清涼池館。更把湘簾低捲。新浴嫩晴時。紅藕綠楊涼滿。天晚。天晚。月上小橋人散。

好事近

海島樓居曉妝詞和內

烟海盪春空。幾點疎星殘月。正是玉人夢醒。催起來時節。安排妝鏡綉簾間。簾捲散雲髮。樓外海山深處。飛一輪紅日。

南柯子

重陽時客星洲遊商人余卓凡山園

地向天邊盡。人尋客裏歡。山溪新菊未知寒。開到十分時節。不堪看。雁外飄零久。樽前醒醉難。百蠻烟火夕雲間。十度

異境警句不許
他人嗣響

重陽風雨念家山。

青玉案

寄意

垂楊夾道飛塵妥。但寶馬香車夥。幽徑無人暗花鎖。上山星月下山燈火。挨得黃昏過。臨歧躑躅真無那。真箇銷魂遮莫可。豈惹花開紅瑣瑣。捲簾獨立關窗閉。坐若箇愁城大。

祝英臺近

燭花明。錦幃煖。薄醉罷瑤席。說道春寒。今夜早將息。待儂喚了紅兒。掌燈送去。怕門外黃昏天黑。流雲碧。幾點疎雨飄來。月斜落花濕。翠被香濃。禁得曉風急。如今流盡春江。載回愁夢也。都在斷紅南國。

嘗恨美成并州
一闕後無能繼
者

蝶戀花

春別

燭影搖紅憐昨夜。美景良辰。真箇黃金價。腸斷薔薇開滿架。綠鸚自響迴廊下。 報道一聲人去也。樓上紅妝。樓下青驄。馬。腸斷薔薇風底謝。豔陽烘暖閑臺榭。

浣紗溪

望月追憶

疎柳淒清舊苑前。西風秋水總無邊。夜來流影照涓涓。 容易清光容易暗。十分殘缺十分圓。枉教江閣望年年。 容

八聲甘州

己酉正月二十九夢得句閑殺流鶯外雨榭風樓

深情絕世哀曲
感人讀之黯然

是日爲亡婦道清忌日日月如流忽忽十年矣倚

甘州一闋

一。回。頭。往。事。總。悠。悠。閑。來。費。追。求。算。眼。穿。腸。斷。花。開。花。落。十
度。春。休。故。國。春。寒。萬。里。昨。夜。五。更。頭。閑。殺。流。鶯。外。雨。樹。風。樓。
舊。日。潘。郎。蹤。跡。問。人。間。消。息。依。舊。飄。流。只。年。年。寒。食。海。上。
寄。遙。愁。正。傷。心。單。衣。試。酒。看。銅。街。歌。舞。不。知。愁。家。何。在。怕。聽。
歸。去。又。怕。淹。留。

賀新郎

題馮熙東隣巧笑圖時同客南溟

紅。豆。枝。枝。發。種。相。思。年。年。南。國。王。孫。採。擷。月。照。西。樓。紅。袖。冷。
誰。倚。雕。欄。如。雪。看。樓。外。行。雲。千。疊。一。曲。筵。篋。公。無。渡。正。畫。屏。

言愁欲愁我爲
銷魂

銀燭憐輕別。曲終盡怨難歌。才人生就相思骨也。明知花
難解語。對花還說絕域春歸人又去。一例芳菲怨澈。算滿眼
風塵愁絕。紅粉青衫知己。感爲他人。我亦能嗚咽。墜歡事誰
收拾。

金縷曲

二月十八醉夢得句樓外江山風月裏小欄干消
盡英雄淚有觸斯感爲倚金縷曲

富貴非吾意。且由他飄飄身世。悠悠天地。自古清狂能飲酒。
問甚人間閑事。拚十日登高。大醉樓外。江山風月裏。小欄干
消盡英雄淚。烟柳恨何時已。偶然掩卷。閑凝睇。忽驚心鶯
花三月。風雲萬里。不合時宜。休挂齒。微笑拂衣而起。都道是

眷念君國低個
欲絕

慷慨激昂如怨
如慕

清剛之氣幽媚
之思

造意織句別具
鍾鑪前人無可
彷彿

少年意氣別具。清愁人不解。夢魂中醒也。何曾睡。還咄咄書
空字。

好事近

梅花

月照水涓涓。枝上幾堆殘雪。如此溪山來去。無幽人踪跡。
清宵愁伴鶴無眠。步盡翠苔濕。又恐那人知道。怨江南江北。

好事近

黃鶯

寂寂對黃昏。一樹海棠如雪。十二雕窗都閉。道玉人眠熱。
五更驚起。却移枝花影。亂殘月。馬上春寒。萬里正關山。風急。

高陽臺

見燕時客南溟

日日愁風朝朝看雨。畫樓閑殺烏衣。同是天涯相逢總是依。
 依春潮。夜打山根。月送帆檣。海上人歸更淒迷。夢到深宮露
 滴翠。恩隔年踪跡。曾相識。况烟迷平陸。草入荒溪。欲待商
 量如今。是柳暗長堤。綠窗人語春眠。覺道江南處處花飛。莫
 舉。幃不見。長安一片斜暉。

聲聲慢

星洲白薔薇盛開感賦

玉環風色斜倚欄干。珊珊有恨無力深徑。誰聽風雨夜來狼
 藉。上階三兩蝴蝶。悄無聲飛過牆北。春去也。綠連天。牆外尋
 春無迹。萬里深閨消息。任月底黃昏。碎陰敲側。流水吳宮。

以穿天出月之
 筆寫迴腸盪氣
 之詞不忘故國
 故君歐陽公蝶
 戀花之遺音

戀惜餘光低個
 故國忠愛之情
 溢乎言表
 怨而不怒屈子
 餘音

閑夢暗傷南國。珠簾更垂繡戶。付何人深尋細覓。算只有社
燕去。相寄怨憶。

長亭怨慢

秋柳

最清楚。長亭官道十里。西風一鞭。殘照容易天涯。來時南浦
暗芳草。如今攀折。更一半霜推掉。黃到不成。絲能挂得。斜陽
多少。潦到。記聽鶯築館。烟雨暗堤春老。妝樓夢斷。正新雁
一聲。過了。千萬點。馬上關山帶殘月。開門行早。空寫盡江潭。
獨自相思人杳。

南浦

梅花

秋柳絕唱

幽怨獨絕壓倒
梅苑

梅花開了。倚雕欄相對酒初醒。幾點小山寒翠。寂寂鎖閑庭。
翠被安排睡也。聽玉龍吹澈怨江城。但如今不管。暗香陣陣。
疎影更輕輕。斜月半明半暗。到窗前。夜已過三更。故國空
江。殘雪歸夢不勝情。爲問水邊風底。立黃昏幾度。冷清清。料
一番消瘦。畫樓如水點銀鐙。

清平樂

海島酒樓題壁

水隨山轉。山外青天澹。落日烘雲千萬片。愁比青天更遠。
無言獨下高樓。風生石冷潮流。暗裏忽生明月。照人飛出滄
洲。

六醜

忠愛悱惻一至
於此信乎言爲
心聲

己酉春感

總年年寒食。怎便是今年恨切。一聲兩聲。無情是錦鳩。夢裏
啼徹。西北長安遠。有時回首。但滄波空闊。殘陽還向離宮沒。
水冷昆明。石鯨愁絕。如今辜負芳節。空花陂柳浪。遙恨天末。
繁華都歇。有青娥細說。紅杏還依舊。誰省識。夜來暗裏花
發。看枝枝弄影。五更風刮。明明是玉階。殘月終不似。湖上春
寒舞罷。捲簾紅雪。芳菲事都付。摧折。怕斷紅流向人間去。更
成嗚咽。

憶江南

己酉秋夜起坐萬綠軒

憑欄久。滅燭露華清。月上蕉涼移暗綠。語來無寐已三更。處

處。下。簾。聲。

憶江南

月夜歸東陵山居

歸來晚。露濕一山花。海上醉歸三十里。滿身明月下。飛車織手。淪新茶。

水調歌頭

庚戌之春回國兩月默察天下將有事乃於六月

攜圖書載妻子再遊南溟所居曰海山房權

大好佳山水。天外有人間。惜哉如此烟景。都付與誰看。自古詩人未到。一任峯青江碧。寂寞幾千年。搔首向天問。我亦是詩仙。載妻孥。攜書劍。到南天。故宮何處。人道范蠡五湖船。

筆有仙氣身有
仙骨乃有此詞

欲向海天長嘯。又恐魚龍都起。呼月出。秋天碧海涼風至。我
醉欲清眠。

南鄉子

五代李珣有南鄉子數闋紀炎方風景其詞甚美
余居南溟久樂之爲填二十二闋以繼其聲

此二十五闋海
內傳誦已久奇
境仙筆足令蠻
荒生色益令人
緬思桃源

花滿路。是嘉東。沙登宮殿浪花中。海上豔陽三月裏。車如水。
十萬綠椰青草地。
殘照下。倚樓看。珍珠簾子玉欄干。寂寂水榕花落盡。香成陣。
紅雪晚來深一寸。
巖壑畔。有樓臺。家家笑語翠微間。萬綠陰中紅閣子。秋如水。
夜半卸妝山月裏。

秋夜好。踞胡床。客來坐處綠蕉涼。島裏畫樓燈似雪。誰吹笛。
繡幕外邊烟海月。

開繡戶。豔陽遲。美人晴晝出門時。寂寂香車花下立。花如雪。
落滿錦茵麤吏拂。

連戶竹。上階苔。穿簾綠幹拂妝臺。風定日移春晝靜。午眠醒。
人共玫瑰都在鏡。

何處宿。向山家。亂峯茅屋白雲遮。十萬松杉春澗裏。月輪起。
人馬夜聞爭渡水。

烈日下。晚晴闌。花光鳥韻令人歡。平綠芊綿開繡戶。相逢處。
花塢夕陽人坐語。

芳甸晚。蹴球天。萬人齊坐綠陰邊。蹙口一聲人盡散。衣香亂。

海面夕陽潮上岸。

跳舞夜盡狂歡吹笳擊鼓萬人看衆裏乍逢無計隱袞籠冷
月上長橋人散盡。

相見處水榕花巖頭木屋是儂家濃碧燈明山澗裏郎須記
花亂夜橋流暗水。

芳草岸送涼風飛濤線線捲秋空碧海樓高明月蕩人來上
雪藕冰瓜堆玉盞。

幽徑細繞岩阿雨晴月出水雲拖若有人兮如月美重來此
落盡玫瑰春澗水。

男擊鼓女彈琴張屏跪飲綠莎陰澗樹懸燈明夜色歌聲歇
花覆小亭人散月。

茅屋小。遠人烟。閉門燃燭不成眠。月照白猿啼樹裏。南風起。山果夜聞拋。溯水。

垂釣女。醉如泥。觀潮看月坐長隄。草際暗聞釵鈿響。人三兩。月午潮來魚滿網。

冰雪液。碧筒杯。翠峯深處納涼回。峽綠深濃難見月。行相失。暗裏相尋升木末。

風雨過。滿山涼。海雲來去過長廊。暗水流花春濶急。山堂夕。捲幔玫瑰燃夜月。

羅扇小。穀衣輕。六街烟火隔峯明。水際紅蓮風露瀉。元宵夜。公子調冰明月下。

印度會。比龍華。金鏡銅鼓雜鳴笳。草際千燈花亂影。暗相引。

一逕。深深。鋪滿錦。

膚似漆。鬢如雲。山間躑躅意紛紜。雨橫風狂。花滿徑。衣香迸。雲破。月來。羞見影。

峯過雨。樹含煙。小山樓閣上燈天。綠髮美人。花裏隔。停車立。皓素。一身。和月白。

涼宵好。望長河。碧峯樓閣起夷歌。峽裏彈琴。秋月出。聽琴客。暗捲山簾。花雨溼。

浣溪紗

庚戌重遊星洲

百草千花送馬蹄。重來門巷綠陰肥。夕陽依舊小簾西。莫
是繁華生客感。果然寂寞動鄉思。夜深風露自添衣。

浣溪紗

上元寄家書

閑夢江南小院幽。綠梅紅萼滿枝頭。試燈風裏有人愁。醉
後愁聽花外笛。客邊怕上月中樓。春寒料峭似深秋。

相見歡

月夜過東陵舊居時家室返國獨客南溟

雨殘花暝。西樓怨清秋。絃索聲中煙月滿。滄洲。相思事家
山遠。暗低頭。多少尋常遊子。不知愁。

好事近

江行舟中寄婦霞客

客裏不知愁。過了元宵時節。料得綠梅如豆。伴晚妝燈側。

昨宵雪後看江山。天地滿明月。太白樓前經過，似有人吹笛。

金縷曲

送孟龍從弟北行

不盡淒涼意。更那堪、數峯荒翠。霜林如醉。送我歸京曾幾日。
令又送君去矣。算人世、別離而已。客去樓空千里目。正一江
秋水斜陽底。搖落恨、空相對。年來我亦風雲氣。寄閑情、金
樽低酌。危欄孤倚。都道新絲容易買。脫手何從繡起。誰識得
馬周心事。自古英雄無長策。縱因人成事。終非計。天下事、銷
魂耳。

賀新郎

題內子霞客晴雪樓臺小照。是照爲乙未春間事。

怨而不怒風人之旨

行十年矣辛亥長夏題於南溟之萬木山房

舊事堪彈指。看依然貂裘鶴氅。亭亭雲水。白雪紅梅春如海。雪色花光相媚。更人坐花邊。雪裏琪樹瑤林。黃昏月照樓臺。白玉堆成地。似圖畫。畫圖似。而今彩筆儂須記。破清寒。玉人睡覺。妝成扶起。青瑣薰香開繡幕。銀海數峯寒翠。人稱是。江南仙子。新嫁揚州。何水部。算題詩。索笑餘無事。臥遊樂動芳思。

暗香

十年風雪。歎鏡中換了朱顏消息。事事休提。約略當時舊春色。帶醉扶人歸去。閑庭院深深。燈黑正雨打滿地。梨花雲吐。一階月。分別怨深絕。算萬里關山。閑夢飛越。瘴江寂寂。南

南唐神髓北宋規則合而爲一自成一家

才子佳人念國以景福慧無量詞亦如之

海明珠寄休說。飛燕來時去。候。又却似蕭郎蹤跡。還怕是烟浪裏。春船催發。

浣溪紗

曉起梳妝清潤天。一分風露二分烟。鏡中眉嬾見春山。獨向朝陽開繡戶。更依春水捲珠簾。曉池新放幾枝蓮。

長相思

星不。明。月不。明。暗裏人來。一點鐙。蒼苔深處行。來得成。去不成。城上。醮樓打五更。花間。春雨聲。

長相思

元宵感書星洲旅壁

打四更。打五更。萬戶千門。月裏鐙。高樓催酒聲。醉不成。睡

好句紅仙置諸

二李間不辨楮
葉矣

不成天上人。人間憶玉京。沈香燒到明。

水調歌頭

辛亥中秋夕游海上望月他島山樓有吹笛者清
光滿秋哀音動空際愀然生故國之思後十日東
裝歸國

明月飛天水。蒼莽海雲間。長風吹送秋思。絕域夜如年。一片
山河舊影。清簟疎簾深照。病骨覺新寒。故國七千里。腸斷畫
樓前。嘆清狂。吹玉笛。總堪憐。海天深處。今夕何夕。念家山
舊日清光。猶在多少雲房水殿。驚起不成眠。一夜人隨月。扶
夢上長安。

滿江紅

齒忽欲絕忠愛
之言

壬子二月初覺和暖韶華已過半矣綠肥紅瘦春光奈何

乍暖輕寒。原來是清明時節。但一例繁華過了。便成消歇。蓋地梨花幽巷。晚漫天新柳。紅樓月。最苦是恨極憶前歡。難收拾。年來事。心頭切。人間恨。無時絕。道春殘一半。花還堪折。莫惜芳菲留不住。明年暗祝空枝發。恐怕是未敢向人啼背人說。

好事近

漁父四首擬朱希真

一做釣魚翁。不似紅塵時節。隨意一篙撐去。斷人間事業。晚來江岸醉歸時。風冷酒壺熱。雪壓蘆花深處。却滿船明月。

四詞清絕想見作者風懷高潔

一。片。好。斜。陽。都。是。黃。昏。風。色。眼。底。山。川。無。恙。却。暗。傷。亡。國。
雲橫北固亂潮平。獨坐釣江碧。斟盡半壺殘酒。有魚兒聲息。
曉起坐江頭。水際烟銷日出。昨夜似聞風雨。無桃花蹤跡。
一聲款乃綠波間。驚起鷺鷥白。明日無錢沽酒。但今朝醉得。
煮酒敵江寒。水上梅花清寂。一個漁翁爲主。衆漁翁爲客。
夜深雪後過江來。天地月光白。采石磯頭舊事。問飛流絕壁。

好事近

樵夫二首

落日一肩明。處處山寒水寂。若問江頭宮殿。是尋常巷陌。
晚來紅葉打柴門。人語青山隔。歸去江村燒火。有孝陵松柏。
踏破舊芒鞋。都是寒烟落日。行過雨花臺畔。看前朝山色。

亂後慘境抵讀
一部挑花扇

晚來烟。火點江村。門外大風雪。尋箇漁翁閑話。把興亡細說。

破陣子

辛亥回國避亂淞北人事變遷除夕憶星洲風景
頗念異鄉之樂

冰簟銀床除夕。家家醉後歌聲。池上新荷三兩點。十二珠簾。千盞鐙燒香。坐到明。水殿雲房都在。閑愁萬里堪驚。畫舸載詩烟浪裏。爲夢梅花故國。清過江。風雪橫。

浣溪紗

星洲暑夕偕霞客海上看潮夜至歐羅巴酒樓飲

冰望月

春水悠悠白鷺閑。香車寶馬夕陽間。萬家煙火上樓臺。昨

夜。月。明。滄。海。上。玉。人。相。並。看。潮。來。水。晶。簾。子。夜。光。杯。